

窩藏逃軍發附近衛所充軍例

成化十二年三月十六日兵部尚書項等

題爲清理軍政積弊事武庫清吏司案呈奉本部送

兵部抄出

欽差巡按直隸監察御史王衡奏節該欽奉

勅諭國家重務莫先兵政特簡命不往順天并直隸真隸定等

府州衛專以提督清理欽此欽遵臣切見順天等

府州縣軍士多是在京并直隸衛所者間其輪冊

清勾率多回稱丁盡戶絕自洪武年間以來民因兵

火籍冊無存或因饑荒居民流竄或因戶少併里合

圖官吏交代不常里書累年作弊况人所畏當者

莫過於軍千方百計逃避苟免歷年滋久積弊

愈深今欲一時清白定是難為本軍黃舊冊則

曰年浥瀾審里鄰佑則曰年幼不知間有衆証明白應繼軍後亦必奏訴寃枉煩瀆

聖聽未有肯輸情而承認者實效未臻繁文積案其衛所弊端比之有司先是欲清其流先潔其源臣謹具見聞陳八件上塵

天鑒如蒙乞

賜俞納來而行之庶幾積弊可革實效可臻軍政可得而清矣開坐見本該通政使司官奏奉

聖旨該部知道欽此欽遵抄出送司案呈到部看得清軍御史王衡除審查閱度牒一件係隸禮部職掌行移該部往自查照施行外今將查造連言軍冊等項事件逐一查照開立前件具題次日於

奉天門奏奉

聖旨是欽此

計開

一令處衛所官旗多是不肯撫恤軍士甚者侵欺報償剝削酷害至於不能度日只得逃走及至有司解到又不照例安插存恤逼取軍解財物盡以致復逃解人未回而逃軍以至連年勾解往來駱驛徒勞清理非徒無益而又害之合無自成化十二年十二月初八日以後衛所官旗仍前不悛逼令軍士恃頑脫逃初犯再犯依律問罪三犯所司監候申詳依律處決仍解戶丁補後前件查得先該本部題在京衛所勾到新軍官旗不能存恤令無差御史給事中本部主事各一員督同五城兵馬凡遇新到軍士各令

衛所官吏附寫名數領御史等官處各
照地方安措房捧照依帑文月糧不許輒便
差科南京并在外都司衛所俱照在京事例
凡遇解到軍士一体存恤三箇月安插停
當帶收月糧即便送營操練若有私役
跟官辦納月錢索要財物及新鮮到軍未
及一年逼迫賣放回還十名以上降職一級
每十名遞降一級帶俸差操成化七年六月
初十日已經奏

准通行遵守去後及查軍政條例逃軍自首免問責限起
解其餘拿獲者就於原籍所在官司
敢問明白初犯初犯依律的次差親屬里
隣管解衛所看役三犯者監候申詳依

律處決先將戶丁解補里人鄰等仍照隱
藏逃軍榜例治罪窩家發附近衛所充
軍已事見行事例今御史王衡又奏前
因但前項事例行之年久人心解怠固知
遵守令無行移內外問刑衙門及天下都司
衛所并各該有司及各處清軍御史申明禁
約今後衛所官吏不肯存恤新軍者及軍
士恃頑逃走務照依節次事例著實究
問發遣不許似前姑息怠慢有悞軍政